



BARAZA LA WAWAKILISHI – ZANZIBAR

ORODHA WA SHUGHULI ZA LEO

BARAZA LA TISA LA WAWAKILISHI

MKUTANO WA TATU

Kikao cha Saba – Tarehe 29 Septemba, 2016.

Kikao Kitaanza Saa 3.00 (Tatu) Asubuhi
na Dua zitasomwa.

I. MASWALI:

Wizara ya Fedha na Mipango:

187. MHESHIMIWA ALI SULEIMAN ALI (Jimbo la Kijitoupele) -
Atamuuliza Mheshimiwa Waziri wa Fedha na Mipango:

Serikali ya Jamhuri ya Muungano wa Tanzania imepata msaada wa Shs. 895 Bilioni, kutoka Serikali ya Marekani kwa ajili ya shughuli mbali mbali za maendeleo.

Mhe. Waziri, kwa kuwa fedha hizi ni za Muungano, Je, Zanzibar imepata kiasi gani katika fedha hizo.

Ofisi ya Makamu wa Pili wa Rais:

144. MHESHIMIWA MOHAMMED SAID MOHAMMED (Jimbo la Mpendae) - Atamuuliza Mheshimiwa Waziri wa Nchi, Ofisi ya Makamu wa Pili wa Rais:

Mhe. Waziri Mkuu Mstaafu Mhe. Mizengo Kayanza Peter Pinda na Mhe. Waziri Mkuu wa sasa Mhe. Majaliwa Kassim Majaliwa wamejenga heshima kubwa sana kwa wananchi wa Tanzania katika uongozi wao bungeni kwa kujibu maswali ya hapo kwa hapo Bungeni.

Je, ni lini Makamu wa Pili wa Rais wa Zanzibar atajibu maswala ya papo kwa papo Barazani angalau mara moja kwa mwezi.

Ofisi ya Rais, Tawala za Mikoa, Serikali za Mitaa na Idara Maalum za SMZ:

1. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maluum za SMZ:

Mwezi April 2016 Mhe. Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ alifanya ziara mbali mbali ya kukagua masoko. Ziara hiyo inategemewa kuleta tija katika kuweka usafi wa masoko yetu ikiwemo soko la Mombasa, Soko la Kuku la Darajani pamoja na Mwanakwerekwe.

- a) Kwa kuwa soko la Kuku Darajani linakabiliwa na mazingira machafu, Je, lini matatizo haya yatapatiwa ufumbuzi.
- b) Soko la Mombasa pia linakabiliwa na tatizo la maji ya mvua kufurika wakati mvua zikinyesha na kuwa kero kubwa kwa wananchi, Serikali imechukua hatua gani za kuondoa tatizo hilo pamoja na pesa zinazokusanywa pale.
- c) Je, wananchi watarajie faida gani zitakazopatikana baada ya ziara hiyo hasa kwa kuzingatia imekuja wakati nchi ikiwa na tatizo la kipindupindu na kuathiri watu kadhaa kutokana na suala la usafi na Kanuni za Afya kutosimamiwa ipasavyo na watendaji.

4. MHESHIMIWA OMAR SEIF ABEID (Jimbo la Konde) -
Atamuuliza Mheshimwia Waziri wa Nchi, Ofisi ya Rais,
Tawala za Mikoa, Serikali za Mitaa na Idara Maalum za
SMZ:

Kwa kuwa usalama katika kambi za vikosi vya ulinzi ni suala muhimu ambalo Serikali inapaswa kulipa uzito wa hali ya juu. Kutokana na mabadiliko ya tabia nchi bahari imekula sehemu kubwa ya ardhi kwenye diko la Msuka ambapo kumekuwa na shughuli za uuzaji wa samaki mbele ya kambi ya KMKM. Na kwa kuwa shughuli hizo za uuzaji wa samaki zimekuwa zikifanywa kutokana na kutokamilika ujenzi mpya wa soko la Msuka ambalo ujenzi wake hadi hivi sasa umefikia asilimia 90 kukamilika kwake.

Je, Serikali ina mpango gani wa kulikamilisha soko la Msuka ili wavuvi wa soko hilo waweze kuondoka katika maeneo ya kambi na kufanya shughuli zao sokoni hapo.

Wizara ya Biashara, Viwanda na Masoko:

74. MHESHIMIWA YUSSUF HASSAN IDDI (Jimbo la Fuoni) -
Atamuuliza Mheshimiwa Waziri wa Biashara, Viwanda na
Masoko:

Kwa kuwa sekta ya viwanda ni sekta muhimu kwa ukuaji wa uchumi na kukuza ajira kwa vijana.

- a) Je, Zanzibar vipo viwanda vingapi hadi sasa ambavyo vishaanza uzalishaji na vingapi ambavyo havijaanza uzalishaji.
- b) Je, viwanda hivyo vinatoa ajira ngapi kwa vijana.
- c) Je, Sheria na Sera yetu ya uendelezaji wa viwanda vya kati na vidogo kweli iko rafiki na kuwavutia wawekezaji.

Wizara ya Afya:

83. MHESHIMIWA SIMAI MOHAMED SAID (Jimbo la Tunguu) -
Atamuuliza Mheshimiwa Waziri wa Afya:

Serikali imepanga kujenga hospitali mpya Binguni kuweza kuwasadia wananchi hasa wa Mkoa wa Kusini kupata matibabu ya afya,

- a) Je, ni kwa nini Serikali haifanyi bidii ya makusudi kuanza mchakato wa kuwaelimisha wananchi wa maeneo ya karibu katika fursa za kazi hasa wa maeneo ya Tunguu, Jumbi, Binguni, Mtakuja na Dunga ili na wao wawe katika mstari wa mbele katika kufaidika na hizo ajira.
 - b) Ni mkakati gani serikali inaweza kutekeleza katika hizi ajira wakati wa ujenzi unapofanyika kuhakikisha kuwa watu wa maeneo ya Jimbo la Tunguu wanafaidika.
137. MHESHIMIWA ALI KHAMIS BAKARI (Jimbo la Tumbe)
Atamuuliza Mheshimiwa Waziri wa Afya:

Suala la pempasi limeonekana kuwa kadhia kubwa kwa nchi na wananchi pamoja na mazingira licha ya kuwa ni Biashara kubwa ambayo inaingiza pesa nyingi, Serikali pamoja na wafanya biashara.

Ni chanzo kikubwa cha maradhi ya kipindupindu kwani pempasi hizi hurembewa ovyo katika mitaa ikiwa inakinyesi. Na inaonekana kuwa zinachangia uharibifu wa mazingira na kuwafanya watu wawe wavivu wa kuwatunza watoto.

Je, Serikali ina mpango gani wa kudhibiti uchafuzi wa mazingira unaosababishwa na pempasi.

Wizara ya Ardhi, Maji, Nishati na Mazingira:

23. MHESHIMIWA MTUMWA PEYA YUSSUF (Jimbo la Bumbwini) - Atamuuliza Waziri wa Ardhi, Maji, Nishati na Mazingira:

Serikali ya Mapinduzi ya Zanzibar kwa kushirikiana na nchi ya Ras el Hema imechimba visima viwili vya maji katika Shehia ya Misufini (Bumbwini). Hata hivyo, ni muda mrefu sasa visima hivo bado havijaanza kufanya kazi, jambo ambalo limewafanya wananchi wa Shehia hiyo kuendelea kupata usumbufu kutokana na tatizo la upatikanaji wa maji katika Shehia hiyo.

- a) Ni sababu gani zilizopelekea visima hivyo kutokamilika na kuanza kutumika.
- b) Wizara yako imechukua hatua gani za haraka za kuhakikisha kuwa visima hivyo vinaanza kufanya kazi ili kupunguza tatizo sugu la maji katika Shehia hiyo.
- c) Kwa kuwa tatizo hilo ni la muda mrefu, Je, ni lini hasa visima hivi vitaanza kufanya kazi rasmi.

97. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Ardhi, Maji, Nishati na Mazingira:

Shirika la Afya Duniani limesema kiwango cha dawa ya kinga kinachowekwa kwenye maji katika kukabiliana na maradhi ya mlipuko kinawekwa kiwango cha chini kinyume na matumizi yake na kusababisha kila mara kujitokeza maradhi ya kipindupindu.

- a) Kwanini mamlaka ya maji ZAWA inashindwa kuweka kiwango cha dawa ya kinga kwa kuzingatia viwango vinavyotakiwa.
- b) Je, ni hatua gani ZAWA inachukua juu ya vyanzo vya maji kuchafuliwa na taka maji na taka ngumu katika kulinda vyanzo vyake vya maji.

- c) Kama ZAWA inaweka dawa ya kinga katika maji kabla ya kuwafikishia wananchi, kwanini wananchi hao hao wanatakiwa kuyachemsha maji kabla ya kuyatumia.

Wizara ya Kilimo, Maliasili, Mifugo na Uvuvi:

131. MHESHIMIWA SIMAI MOHAMED SAID (Jimbo la Tunguu) - Atamuuliza Mheshimiwa Waziri wa Kilimo, Maliasili Mifugo, na Uvuvi:

Wananchi wamekuwa wakilima sana ukulima wa mbogamboga, lakini wamekuwa na matatizo mengi yanayotokana na ukosefu wa elimu, na pembejeo, dawa, mbolea na hata soko kwa wale wanaofanikiwa kupata kwa wingi mazao hayo.

- a) Wizara yako inajipangaje katika kutatua matatizo hayo.
- b) Ni juhudi gani zimefaywa ili kuwaunganisha wakulima hao na sekta ya utalii.

Wizara ya Ujenzi, Mawasiliano na Usafirishaji:

106. MHESHIMIWA SULEIMAN MAKAME ALI (Jimbo la Ziwani)- Atamuuliza Mheshimiwa Waziri wa Ujenzi, Mawasiliano na Usafirishaji:

Kwa kuwa kumekuwepo na changamoto kubwa zinazoikabili barabara zilizopo katika shehia za Jimbo la Ziwani, zikiwemo Shehia ya Ndagoni hasa kwa vile ndio roho ya Pemba kutokana na kuwa ndio njia ya Umeme kutoka Tanga, halkadhalika Shehia za Michungwani na Birikau. Na kwa kuwa miradi mingi ya barabara imekuwa ikielekezwa maeneo mengine na kuzisahau shehia hizo.

Je, ni lini Serikali itazifanyia matengenezo barabara hizo.

II. HOJA ZA SERIKALI:

**Waziri wa Nchi, Ofisi ya Rais, Katiba, Sheria, Utumishi wa Umma
na Utawala Bora:**

Mswada wa Sheria ya Marekebisho ya Kumi na Moja ya Katiba ya
Zanzibar ya 1984

Zanzibar,
29 Septemba, 2016.

(Amour M. Amour)
KNY. KATIBU WA BARAZA.